



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

Art. 5. Eius quæ mente persicitur orationis, omnia genera complexu[m]
esse Ignatium.

[urn:nbn:de:hbz:466:1-47032](#)

fius quam conueniat sentiendo, omnesque quae forte occurrerent offensiones commode declinando. Nempe qui eos impulit spiritus, ille idem huius nostri sensum excitat.

Vides amicē lector, quam sensim eō quoq; gradum fecerimus, ut iam tibi patet, hāc ēste illam ipsam viam, qua sensum Scripturarum aperit Deus, iis quos ad hanc spiritus discretionem vocat, & quorū conditioni & statui utile & decorum fuerit. Quod ego adiunxerim, ut hoc dono nihil aliud intelligere me profitear, quam donum aliquid, quo facilē ē sacris Literis tantū percipiunt, quantum ad suā deuotionis exercitationem, piāq; sacrorum librorum lectitatiōnē, pensique diurnī in diuino officio persolutionem opus erat. Ut enim plus aliquid concedam, non facilē adducar, cūm videam viros ipsos sanctissimos, Basiliū, Hieronymū, Augustinū, Gregorium, Bernardum, Thomam Aquinatē, oratione & cōtemplatione mirabiles, Doctoresq; in Ecclesia Dei positos, absolutam sibi sacram Litterarū intelligentiā numquā arrogasse. Et sanē si rem ipsam cōsulamus, nihil vñquā dignius ab iis in hoc genere factitū reperiemus.

Sed omittere nō possum, quin moneam cauere sibi debere quemlibet, quē diuinā bonitas his deuotionis cognitionisq; luminibus subinde exornet, ne vel non satis agnoscat donum, vel agnoscens sibi nonumquam in suis sensib⁹l⁹s nihiūm placeat, & licet se minimis indignū, non tamen continuo eximios reputet, multoque minus ut eximios referat. Possem exempla referre, sed absit ut quos ex animo propter summas virtutes veneror, de eorum apud alios existimatione, ob leuem & humanam incogitantiam, quidquam detrahām.

Art. 5. Eius quae mente perficitur orationis omnia genera complexum fuisse Ignatium.

Quatuor orationis genera posuimus, extra quae aliud nullum reperiiri credo, & satis probat ea quam c. 2. secuti sumus adhac ipsa vestiganda diuisio. Ergo singillatim singula percurramus.

De applicatione quidem sensuum, nemini suboriri debet dubitatio, qui modō sciuerit, & eam totam, & nomen ipsum Ignatiani ēse adinuenti.

De consideratione dixi, eius præcepta omnia eadē quae meditationis ratiocinantis ēsse: at præterea ei quoq; dirigēdā inseruit exāmen quod generale vocat, & mōdus orandi in præcepta atque de potentij anima. Quippe in præceptis expēdendum solet cōmendari, quid præcipiatur aut vetetur, quam iustē, & ex ratione, quam grāte sit peccatiū quo contra venitur, (omitto quam lāpē lapsi simus) qua ratione eius cauere violationem, iussioni obsequi melius poterimus. At de facultatibus anima, quid vnaquaque sit, quam necessaria & opportuna, cur & in quos vñs data, & denique (prætermitto quomodo simus vñsi) quam rectē & ex ratione, ea in posterum simus vñsri. Quae obseruationes, quantum ad omnē

K k k 3

con-

considerationem valeant patet. Quod ad me tamen attinet, nihil usquam prout consideratus, nihil ad omnem prudentiam docendam dirigendamque efficacius, primo illo quod B. Pater ponit *fundamento*; quod, si ad plenum intelligatur, existimo solum latissime esse, ad quamcumque (si modò res controverse nota fuerint) considerationem, & deliberationem ritè & ex ratione concludendam, ne que vñ quam villam ab eo quod oportuit aberrationem video, quin excolore, quod alicundè sit contra eius fundamenti prescripta peccatum.

De meditatione verò quid attinet dicere, cùm eam totam perfectissimè his omnibus partibus instruxerit: atque ut omittam quam accuratè docuerit, & quo modo ante illam parandus animus, & quæ feligenda materia, quantum eam præstet indicemus. Tres quippe meditationis partes dici possunt. Prima est ingressus in orationem. Secunda, ratiocinatio, ipsiusque quodammodo orationis corpus. Tertia, cùm iam expressus est affectus inflammatorius, incundique fluens meditatio, in contemplationis quietem molliter assurgit.

Ingressus in orationem præludijs continetur, omninoque ad iritandum meditandi appetitiam, deliciasque gustandas, plurimum faciunt. Totus vero præludiorum instructus & apparatus, à B. Patre profluxit.

Ratiocinandi verò methodum, rotam illam quam fusiū recensuimus à 3. ad 14. caput, abs illo non adumbratam tantum, sed sensim expressam p̄fomatamque reperio. Poterit autem quiuis illud obseruare, ex illis quæ primi exercitio, ut inquit, secundum tres animæ potentias traduntur. Quibus deinde, vbi ad alteram hebdomadem ventum est, personas, verba, opera, quasi iam prouestibibus adiungit, sed & his alia vbi de cœna Domini, iterum quæ alia superaddit cùm ad resurrectionem peruenit. Ratiocinationes autem apostolis & exclamacionibus illustres, qualque magnopere commiendaui, planissimè docet exercitio secundo, exclamationis ad omnes creaturas, cælum, solem, lunam, sidera, ipsaque elementa, cuncta animalium genera, terra germina, Sanctos denique & Angelos. Illudque tam eximum exemplum tradidisse satis fuit, vt eos qui sine intellectu non essent ad eiusdem imitationem permoueret.

Colloquij denique nomen, & eius in meditando usus à B. Patre est exortus, parique qua cetera, diligentia & cura excultus. Primò, quippe eius formam & preceptiones ad finem primi exercitij tradit, tum paulò amplius in ipso tertio: inde in contemplatione regni Iesu Christi: in illis quoque quæ de incarnatione, de vestaliis: ac latius vbi de cœna ultima, & denique in contemplatione ad amorem spiritualium excitandum. licet enim colloquij in meditatione vtamur, & ad meditationem referantur, plurimum tamen de contemplatione participant, & docuimus vniuersitatem, si hæc orandi genera misceantur.

Superest quartum orationis genus, contemplatio; de qua cap. 18. diximus, & ex ijs quæ tum attulimus, planissimeque è B. Patris doctrina haulimus, satis superque confirmatum reliquimus, abs eo nobis contemplandi quoque formam

traditam: restat ut addamus tantum ab eo fuisse præscriptum, quantum satis sit, ut ad summa veniat. Expedit quippe ut filij quam copiosum illis patrimonium obtigerit agnoscant, & eius fertilitate cognita, tali parente, talique cultura, non indecoros fructus proferant.

Imperfecciorem quandam, & perfectiorem alteram contemplationem eo loco dixi. Iam perfectioris, hoc est eius, quæ unico clarissimæ in mente lucis radio, summas res intuetur, duplex est, quod ad ipsam lucem attrinet, modus: unus, quo impressa intimius abs Angelis specie, forma & similitudine aliqua, mentis acies quodammodo exacuitur, penitusque in abstrusiorem antè veritatem penetrat, quasi si illud ipsum cerneret, ad cuius intellectum mens prius quasi cœca palpabat. Alter modus est quando nulla specie, forma, vel similitudine objecta, purissimo diuinoque lucis radio, mens illustratur & assurgit, summaque rerum celissimarum veritates, iudicia, sapientiam, bonitatem, perfectiones Dei opt. max. limpidissimo quodam lumine contemplatur. Atqui hoc utrumque iam antè art. 4. ex B. Patris doctrina explanauiimus.

Iterum alia ratione duplex est, si facultates animæ quibus peragitur, consideremus: namque in contemplatione, vel dominatur affectus, vel intellectus, & hic quidem, quando is qui contemplatur, in perfectionum admirabilitate, veritatem natura contuenda defixus hæret, at voluntas in contemplatione dominatur, cum aliquo affectu vehementiore quasi sauciata, nequit satis, illa eadem volens reuolvensque satiari. Sed hoc ipsum ex antè dictis patet.

Denique si energiæ & impulsus in contemplatione detinentis, modum spelemus, sic quoque bifariam diuiditur: una ut sit, in qua diuinæ gratiæ vis fese latenter insinuat, occulte excitans, & lumina intellectui subministrans, ut vires & conatum ipse suum ad contemplandum exerat: Altera vero, in qua præcipuae & potissimæ sunt partes Dei, gratia sua excitantis, mouentis, agentis, illustrantis, & quaquater sum ducentis, ac blandissima consolatione demulcentis. Hoc est quod pati diuina, quod celissimum perfectionis apicem dicunt: neque sic debet intelligi quasi languente otio mens correpta nihil agat, sed quod Dei, non hominis sit, quod ibi dignissimum est & nobilissimum; cui tamen assentitur & acquiescit homo, præstantissimo amori & gratitudini in Deum intentus, intentus exiendo seipso, & Deo induendo. Sed profecto, & hoc ipsum, eodem superiore articulo 4. ex B. Patre explanaui, & in tertio id in initia via doceri, & S. Patris doctrinam eò perfectissime ducere probau. Quare ex dictis omnino certum demonstratumque relinquemus, nihil esse in oratione mentis tam perfectum, quin ad illud suos & alios quos suis, atque adeo per libellum Exercitorum manuduxerit B. Ignatius.

Art. 6.